

# SULLIVINNIK NALILERSUINEQ



**Sullivinnik  
Nakkutilliisoqarfik**

 +299 34 25 90

 [at@at.gl](mailto:at@at.gl)

# SULLIVINNIK NALILERSUINEQ

Sullivinnik nalilersuineq pillugu inatsit nutaaq – ulluinarni APV-mik naalisarneqartartoq – 1. juli 2023 atuutilerpoq.

Suliffeqarfik, sulisitsisoq, minnerpaamik ataatsimik sulisullik APV-mik – sullivinnik nalilersuineramik, suliaqartuaanassaaq. Suliffeqarfimmi sullivimmi avatangiisit pillugit ajornartorsiutinik nalunaarsuineq nalilersuinerlu.

## UKIUT TAMAASA SULINERUP NALAANI AJOQUSERTOQARTARPOQ SULINERMILU AJUTOORTOQARTARLUNI.

### TAMANNA ALLANNGORTINNEQARTARIAQARPOQ.

Sunaluunniit ajutoorneq ajoqusernerlu inummut annernartuuvoq, timikkut annernartuuvoq, kisianni aamma aningaasatigut annernarpoq, pissutigalugu ajutoornermi eqqorneqartoq napparsimanermi nalaani ikinerusunik akissarsiaqassamat – imaluunniit immaqa, akissarsiaqanngivissalluni – imalu ajortigisimappat allaat ataavartumik sulisilluni ajoqusernerusimalluni, taava tamanna inuttut aningaasaqarnikkullu malugineqarsinnaassaaq ajoqusernerup ajutoornerulluunniit kingorna ukiorpassuarni.

**Tamanna aamma sulisitsisumut malunnassaaq**, tassangaannarmi ajoquserup taartissaanik nassaarniapallattariaqassagami aammalu piffissap ilaani ajoqusersimsumut taartigisaanullu akissarsiaqartitsisariaqassagami. Sulisilluni ajoquserneq inuiaqatigiit aningaasaqarnerannut aamma malunniuteqartarpoq. Inuiaqatigiimmi akilissavaat napparsimavimmi suliarineqarneq aamma isumaginninnikkut ikiorserneqarneq, tamanna pisariaqalersimappat.

Sulisilluni ajoquserneq imaluunniit sulisilluni ajutoorneq tamanut aningaasatigut akisuujuvoq – sulisumut namminerlut, sulisitsisumut aamma inuiaqatigiinnut. Ajoquserumut inuttut kinguneqaataasinnaasut ila-

taasunullu qaninnernut aamma tamatigut pitsaasuinaaneq ajorput.

Tamatta soqutigisassaraarput sulisilluni ajoqusernerit sulisillunilu ajutoornerit pinaveersaartissallugit. Nammi-neerluta immitsinnut paarissaagut aamma ataatsimoorluta immitsinnut paarissaagut. Inuit ataasiakkaat akisussaaffigaat – sulisuugaanni sulisunulluunniit aqutsisuugaanni, sulisut sinniisuugaanni sulisitsisugaanniluunniit, angutaagaanni arnaagaanniluunniit, inuusuttuugaanni utoqqaagaanniluunniit – inuit ataasiakkaat akisussaaffigaat sullivimmi isumannaallisaa-nikkut peqqinnissakkullu toqqammavimmik pilersitsisooqarsimanissaa, pilersitseqataaffigisimanissaa, aamma nalilersuiffiginissaa iluarseeqataaffiginissaalu – piffissaq tamakkerlugu.

**Taamaaliornikkut kikkut tamarmik sullivimmi avatangiisinut eqqumaffiginninnerulissapput.** Sullivimmi avatangiisit taamaallaat sulisitsisup sulisunilluunniit aqutsisup kisimik akisussaaffiginngilaat. Suliffeqarfimmi sumiluunniit inissisimagaluaruit, sullivimmi avatangiisnut sunniuteqarputit. Sullivigisat ilinnut suleqatinnullu isumannaannerulersitseqataaffigivat.

Taamaattumillu sullivinnik nalilersuisoqartariaqarpoq, **APV**-mik. Taanna allasimasuussaaq. Illuinnaasiortuusangilaq: tassa imaappoq, taamaallaat sulisitsisumit imaluunniit taamaallaat sulisunit suliarineqarsimasangilaq. Sulisitsisut sulisorisallu akornanni saqitsaasutaasussaangilaq – kisiannili sullivimmi avatangiisit isumannaallisaaernerup peqqinnissallu tungaatigut pitsaasuullutillu illersorneqarsinnaanissaat pillugu tamanit akisussaqaataaffigineqarlunilu pisussaaffigineqartussaavoq. Kalaallit Nunaanni sullivinni tamani sullivimmi avatangiisit pillugit aqqissuussaasumik suliaqarneq.

**Sullivinnik nalilersuisoqarnissaanik sulisitsisoq aallartitsisussaavoq.** Tamanna sullivimmi avatangiisit pillugit aqqissuussaanerup ingerlatisavaa. Sullivimmi avatangiisit pillugit aqqissuussaaneq tamanut peqataassaaq, tassa aallaqqaataaniit, pilersaarusionermi, suliamik ilisimasalimmik avataaneersumik ikiortissarsior-nissaq aalajangeeqataaffigalugu, suliamut ilisimasalim-



mik atorfissaqartitsisoqarsimassagaluarp. Suliffeqarfiup immikkoortortaani aalajangersimasumi sullivimmi avatangiisit periuseq qanoq ittoq atorlugu allaaserineqarnissaat aalajangeeqataatinniarlugu. APV-p suliarineqarnerani peqataasimanini uppersarlugu sullivimmi avatangiisinut aqqissuussaaneq atsiorsimassaaq.

APV suliffeqarfiup nammineq atugassaraa. Allamut nas-iunneqartussaangilaq. Suliffeqarfimmi nivinngarneqartussaavoq, sulisunit tamanit takuneqarsinnaangorlugu.

Sullivinnik Nakkutilliisoqarfik alakkaappat, suliffeqarfimmiissaaq. Taava Sullivinnik Nakkutilliisoqarfiup APV misissussavaa suliffeqarfimmi sullivimmi avatangiisit alakkarternerinut peqatigitillugu. Siusinnerusukkut pisartutut Sullivinnik Nakkutilliisoqarfik piunasaqarsinnaavoq arlaatigut piffissap aalajangersimasup iluani isumagineqareersimasussamik aqqeeqqusilluni.

**Sullivimmi avatangiisit siunissami ukkatarineqarnerujussuusariaqarput.** Manna tikillugu pissusiusunut sanilliullugu sulinermut atatillugu akuutinnerujussuusariaqarpoq. Sullivigisanni pisusaatitaallisaatit isumannaallisaanikkut peqqinnissakkullu suliniarnermi peqataannissannut. Pisusaatitaallisaatit sullivimmi avatangiisini isumannaallisaanerup peqqinnissallu tungaatigut pissutsit ajutoorfiusinnaasut uparuarnissaannut.

PEQQINNISSAP ISUMANNAALLISAANERULLU  
TUNGAATIGUT AJUTOORFIUSINNAASUT,  
IMALUUNNIIT SULI PITSAANERUSUMIK,  
TAMAKKU SULLIVINNIIT PEERNEQARNISSAAT  
PILLUGIT OQALLISEQATAASSAATIT.  
OQALLISEQATAASSAATIT. – TASSA TAMANNA  
MATUMANI PINEQARPOQ. PEQATAAGIT!

